

НА «ГОСПОДИ, ВОЗЗВАХ» СТИХИРЫ НА 10:

Воскресные, текущего гласа – 6,
и святой, глас 4-й и глас 1-й – 4.

Глас 4, подобен: «Дал еси знамение...»:

7. Стих: От стражи утренния до нощи, от стражи утренния, // да уповаает Израїль на Господа.

Законь оправдания/ соблюдаючи невредимо/ и Богу Вседержителю непорочно работаючи,/ сподобилася еси, Анно, мати быти/ по плоти Христа рождшей Чистой Богоотроковице,/ с Неюже тя ублажаем/ и святое твое успение // радостною мыслию празднуем днесь.

8. Стих: Яко у Господа милость, и многое у Него избавление, // и Той избавит Израїля от всех беззаконий его.

Жизни палату, Анно Богомудрая, рождши,/ к жизни преставилася еси воистинну нетленней/ и совокупляешися с лики праведных,/ питающих тя богато Владычною радостію;/ темже твое преставление совершаем, приснопоминаемая, // и вернопочитаем, Богомудрии, днесь.

9. Стих: Хвалите Господа вси языцы, // похвалите Его вси людие.

Дверь Небесную, Анно Богомудрая, рождши,/ к Небесному селению востекла еси, славная,/ и славы Божественныя ныне наслаждаешися./ Ейже и нас, честное твое успение празднующих,/ молитвами твоими сподоби,/ страстей мрак разоряющи // и лютых обстояний мглу отгоняющи.

Глас 1, подобен: «Одивнаго чудесе...»:

10. Стих: Яко утвердися милость Его на нас, // и истина Господня пребывает во век.

Се светозарное торжество / и светлый день и миру радостный, / успение честное и достохвальное Анны благославная, / из неяже родися Жизнь рождающая, / одушевленный кивот, неместимое Слово вместившая, / печали разрешение и радости Ходатаица, // подающая всем верным велию милость.

«Слава» святой - глас 8:

Иже от неплодных чресл / жезл святей, Богородицу, прозябший, / из Неяже спасение миру возсия - Христос Бог, / супруг непорочный и двоице святая, Иоаким и Анна; / сий бо, преставльшеся к Небесным селением, / со Дщерию своею Пречистою Девой / и со Ангелы ликуют, / о мире молитву творяще. / Ихже и мы, сошедшеся, благочестно поюще, глаголем: / иже Богоотроковицы ради и Пречистыя Марии, / праотцы Христовы бывше, // молитесь о душах наших.

«И ныне» – догматик, гласа.

Вход. Прокимен дня.

НА ЛИТИИ

Стихира храма,

и стихиры святой, глас 5-й:

Подобен: «Радуйся Живоносный Кресте»:

Радуйся, мысленная ластовице,/ весну благодати нам возвестившая,/ непорочно в целомудрии жительствовавши добре,/ и дѣвства сокровище,/ честно болѣзновавшая,/ Непорочную Богородицу,/ агнице честная, яже рождшая Юницу,/ вземлющаго Агнца мира прегрешения,/ словом Слово рождшую, едину Нескусомужную,/ Анно, прамати Господня, тя от земли пресельшаго.// Егѡже ныне моли душам нашим даровати велию милость.

Радуйся, вожделенная Бѡгу,/ избранная святостыми сияний закона,/ двоице честная,/ яже изъявления добре Божественною благодатию предлагающая,/ Христа рождшую, Начальника жизни нашея, Та родивши,/ Иоаким Богоприятный и Божественная Анна всечестная,/ светильницы, возсиявшии свещу бесенную,/ благоправящи благодать, Пречистую Богородицу./ С Неюже молитесь// душам нашим даровати велию милость.

Радуйся, благословенная землѣ,/ яже Богопрозябшую мирови зѣмлю процветшая,/ яже в законе Божественном безпрестани поучающаяся/ и благодать всем подписавшая,/ союз неплодствия рождеством своим избѣгшая,/ и смѣртию нетлѣние воздавающая,/ и к Божественней престаившаяся свѣтлости Анна Богоблаженная,/ прамати Христа Бѡга,/ яже светоносный светильник - Богородицу рождшая.// С Неюже испроси душам нашим даровати велию милость.

«Слава и ныне» - глас 2:

Приидите, любодѣвственнии вси/ и чистоты рачителие,/ приидите, празднуем Аннино честное успѣние:/ ибо та пороуди паче естества источника жизни,/ Марию Богоотроковицу,/ из Неяже родися избавитель,// просвещаяй и освящаяй души наша.

НА СТИХОВНЕ

Стихиры воскресные, глас 6-й.

«Слава, и ныне» – **святой, глас 8-й:**

Приидите, вся тварь, в кимвалех псаломски, сошедшеся,/ восхвалим Анну Богомудрую,/ Божественную гору рождшую от ложесн своих/ и к горе мысленней и райским селением/ днесь преминавшую, и к ней возопием:/ блаженное чрево твое,/ носившее воистинну Свет миру и внутри во чреве носившую,/ и сосца твоя красная, яже ссаше доившая Христа,/ пищу жизни нашея./ Егоже моли избавити нас от всякия скорби и прилога вражия// и спасти души наша.

По Трисвятом – «Богородице Дево...» (трижды).

НА УТРЕНЕ НА «БОГ ГОСПОДЬ»

Тропарь воскресный, глас 6-й (дважды).

«Слава, и ныне» – **тропарь святой, глас 4-й.**

Жизнь рождшую во чреве носила еси, Чистую Богомáтерь,/ Богомúдрая Анно./ Темже к приятию Небесному, идеже веселящихся жилище,/ в славе радующися, ныне престáвилася еси́,/ чтущим тя любóвию/ прегрешéний просящи очищéние,// присноблажéнная.

Полиелей. «Ангельский собор...».

Ипакои, степенны и прокимен – гласа.

Евангелие воскресное 7-е. «Воскресение Христово видевше...».

По 50-м псалме: «Слава» – «Молитвами апостолов...».

Стихира воскресная, глас 6-й: «Воскрес Иисус от гроба...».

Ирмосы воскресные. Катавасия «Отверзу уста моя...».

На 9-й песни поем «Честнейшую».

По 9-й песни – «Свят Господь Бог наш».

НА ХВАЛИТЕХ СТИХИРЫ НА 8:

воскресные, глас 6-й – 4,

и святой, глас 1-й и глас 2-й – 4 (со славником и припевами своими; припевы см. в Минее на стиховне вечера).

Глас 1, подобен: "Небесных чинов...":

Стих: Хвалите Его в тимпане и лице,/ хвалите Его во струнах и органе.

Па́мять совершающе честную,/ Тебе воспеваем, Христэ,/ преславно Анну от жизни привременную/ к непрестающей славе преставльшаго ныне,/ яко мать сущую без семени рождшия Тя паче естества// Богородицы и Приснодевы Матере́.

Стих: Хвалите Его в кимвалех доброголасных, хвалите Его в кимвалех восклицания./ Всякое дыхание да хвалит Господа.

Память святую совершающе праотец Христовых/ Иоакима и Анны, честных и непорочных,/ прославляем непрестанно Избавителя/ и Щедрого Господа,/ сих преставльшаго к жизни// нестареемей и нетленней.

Стих: Радуйтесь, праведнии, о Господе,/ правым подобает похвала.

К невещественным ликом и праведных селением,/ идеже ангельстии чини,/ идеже святых собор,/ радость празднующих совершается,/ и ныне духи праведных Иоакима и Анны всели,// ихже благочестно восхваляюще, ублажим.

Глас 2:

Стих: Блажени вси, боящиеся Господа,/ ходящие в путех Его.

Приидите, любодевственнии вси/ и чистоты рачителие,/ приидите, празднуем Аннино честное успение:/ ибо та породи паче естества источника жизни,/ Марию Богоотроковицу,/ из Неяже родися Избавитель,// просвещаяй и освящаяй души наша.

«Слава» – **стихира евангельская 7-я,**

«И ныне» – «Проблагословенна еси...».

Великое славословие. По Трисвятом – тропарь воскресный: «Воскрес из гроба...».

НА ЛИТУРГИИ

**По входе – тропари и кондаки:
[В храме Господском]:**

Тропарь воскресный,

Тропарь святой, глас 4-й:

Жизнь рождшую во чреве носила еси, Чистую Богомáтерь,/ Богомúдрая Анно./ Темже к приятию Небесному, идеже веселящихся жилище,/ в славе радующися, ныне престáвилася еси́,/ чтущим тя любóвию/ прегрешéний просящи очищéние, // присноблажéнная.

«Слава» – **кондак святой, глас 2, подобен «Вышних ища...».**

Прародителей Христовых память прáзднуем,/ тéх верно просяще пóмощи/ избáвиться всем от всякия скорби, зовúщим:// Бог наш с нами, сих прославлей, я́коже благоволи́.

«И ныне» – **кондак воскресный.**

Прокимен, аллилуиарий и причастен – воскресные и святой.